

重修正興縣志

定興縣志卷十八

金石志

東林寺僧戒就塔銘 正書在平岡村

大明東林就師塔銘 賜進士翰林修撰儒林郎同修國

史東魯許彬道中謨文 文林郎浙江道監察御史同邑

李俊書丹 賜進士吏科掌科事給事中博野孟鑑篆額

正統十三年歲次戊辰九月初一日立

東林寺嗣法碑 正書

勅賜東林寺達菴能長老嗣法偈

平堽堽上東林寺飛樓湧殿金珠麗恍然移下率隴宮寶

額春頒新勅賜我昔攜筇樂盛遊燕山易水豁吟眸達菴
欵待誠尤切芥鍼驀地自相投爾今器質天然別化風一
郡皆歡悅戒珠晃晃爍晴空心鏡明明比秋月掃除瓦礫
布黃金黃金臺畔盡知音定興千古華封祝晨夕無忘報
國心

智化寺前堂首座達菴能上人廼定興世族也曩者修建
本郡平堽古剎殿堂像設輪奐一新今年春蒙賜前額將
主其席求語爲嗣法進修之警故書前偈以歸之天順二
年歲直戊寅春二月佛涅槃日僧錄司右覺義廣善戒壇
傳戒宗師特恩施表奉諭校經兼智化開山第一代住持

魯菴然勝書

東林寺重修記

奉訓大夫禮部員外郎直文淵閣前經

筵官會稽陳剛撰

天順二年龍集戊寅十月吉日文林

郎定興縣知縣汴梁甄鐸立石

又重修記

定興儒學訓導于冕撰

又禮部劄付

均天順二年住持沙門妙能立

李福墓銘

在西靳村

下有殘缺

大明故山西等處提刑按察司僉事致仕進封奉議大夫

李公合葬墓碣銘

賜進士中順大夫守保定府前大理

左寺正同郡張梈撰文

賜進士亞中大夫山東布政司

右叅政同邑宋傑書丹 奉政大夫順天府治中致仕同

邑魏本篆額 天順五年歲次辛巳季春上旬吉日

大夫山西提刑按察司副使孝男俊建

勅封李福碑 宣德四年封行在後軍都督府都事李福
文林郎妻王氏爲孺人景泰二年以子俊任御史進封福
爲奉議大夫妻爲宜人二勅共刻一碑不書立石年月當
是造墓銘時同建故附於此

聖廟碑記 知縣甄鐸撰 天順五年

東林寺創建金剛殿碑 錢唐倪謙撰

又檀越助緣碑 餘姚于冕撰 俱天順八年僧行懋立

董禮墓誌 在東柵上村

定興董公墓誌 保定府定興縣儒學訓導餘姚于冕撰
己卯科鄉貢進士同邑人秦獻篆額并書丹 天順八年
歲次甲申仲春上澣吉日孝男國立石

重建興隆禪寺碑 正書在內章村 賜進士第觀冬官

政涑陽劉鉞撰文成化三年丁亥孟夏

按明制新進士觀政猶今六
部學習主事冬官工部也

迎水寺碑 在北召村

重修迎水寺碑記 己卯科鄉貢進士同邑李翔鳳撰
賜進士承德郎刑部雲南清吏司主事同邑李鳴鳳書

己卯科鄉貢進士同邑秦獻篆 成化三年歲次丁亥仲

夏吉日立

又重修迎水寺檀越助緣記 鄉貢進士直隸易州涑水

縣儒學教諭餘姚張才撰 賜進士出身工科給事中餘

姚張琳篆 秦獻書

題銜與上碑同

雲峯寺碑 在大任村

重修雲峯寺記 中順大夫太常寺少卿直內閣經筵國

史官林章撰文 成化五年己丑九月

雲蓋寺碑 在高里

重修定興縣雲蓋禪寺記 直隸保定府易州涑水縣儒

學教諭姚江張才撰文 瀋府典膳前邑庠生張文舉騰
篆 成化歲次癸巳菊月下澣住山沙門碧岩立石

慈氏寺碑 在陳村

重建慈氏禪寺記 勅賜南禪東堂西來子主易水山北
寶峯禪寺住持金臺沙門圓顯撰書并篆額 成化九年
歲次癸巳九月重陽吉日立

三靈觀碑 在金臺村

大明直隸保定府定興縣金臺易水重修三靈觀碑 大
寧都司纂修實錄儒士八十有六布衣雲間陳昊撰文
將仕郎本村信官許大本篆額 吏部聽選官邑人張泰

書丹 成化九年歲次癸巳冬十二月吉日住持翟德山
立石

李俊神道碑 在西靳村

正議大夫資治尹陝西等處提刑按察司按察使李公神
道碑 賜進士第通議大夫吏部左侍郎兼翰林院學士
知制誥經筵官兼修國史王牒青齊劉珣撰文 賜進士
第中憲大夫都察院左僉都御史致仕東安李侃書丹
賜進士第嘉議大夫禮部右侍郎掌鴻臚寺事同郡楊宣
篆額

公以成化甲午六月五日卒於家生於永樂甲午十二月

五日春秋六旬有一卒之歲九月九日葬邑先塋之次越
二載子鳴鳳手王都給事狀徵言勒諸墓道閱狀公姓李
俊名文英字三樂居士其別號也世爲保定定興人遠祖
諱伯通諸子仕元俱爲總管諸孫有仕至都提領者入國
朝以來封文林郎後府都事諱士成者公之大父也士成
子諱福者公之父也自鄉進士擢監察御史厯山西按察
僉事公六七歲時讀書鄉老皆異其不凡壯而遊恒山曹
文忠公之門盡憂時子弟故習文譽蔚然正統丁巳邑大
夫以明經辟本邑訓導時學政廢弛二十餘年公嚴立教
規循循善誘盛夏隆冬衣冠坐明倫堂講解不少休嘗曰

爲文必根於理而詞以平實浮麗者非也取宋諸賢教人
條目數十斟酌損益而行職是而小子多所造就科科有
中式之士至今語及定興必曰是邑故多士乙丑滿三考
當道驗其賢拜浙江道監察御史有所繩糾務存大體而
公愼以蒞臺戊辰敕董處州銀治時清田麗水賊首齊炆
陳鑑胡陶得二等相率作亂其鋒甚銳公率民兵捕之肅
部伍嚴號令以忠義感士以奇正合兵由是所向克捷連
斬齊炆等數百級餘黨悉遁明年陳鑑胡陶得二等踵其
故跡嘯聚尤夥驅殺剽掠人情恟恟公率衆固守發廩賑
飢勸巨室出金以資士募敢死士八百人公復善射臨城

發矢遽殪賊徒衣紅者一人因督衆出城奮擊大破之賊
遂退匿巢穴公遣人賁榜諭降陳鑑胡等二十餘人械送
京師斬之上知公可大用詔俾從宜行事未幾陶得二復
糾富隆等攻城益急公晝夜勞心躬擐甲胄約束軍民以
死守陰選健卒數百縋城而下燬其攻具先期約四鄉民
兵萬餘至是直前夾擊斬富隆等數百級生擒四十七人
餘孽悉敗走遠竄不復爲患公乃被召旋京啟行間處州
之人無問老稚垂淚以送爲立遺愛碑於麗陽門外景泰
改元首侍經筵有白金綵幣之賜三年滿考晉階文林郎
辛未升山西按察副使前政繫疑獄三年未得白蓋商利

其同侶者財以計死之誣及館人公至廉其實明其非辜
卽以商抵罪并州之人咸神明公天順庚辰以憂轉陝西
未半載升按察使一道肅然成化改元入疏乞休致而歸
時年五十三歲也己丑以子鳴鳳貴晉階正議大夫資治
尹母王封孺人晉宜人配張儒族女莊重寡言笑工女紅
旣笄歸公事上撫下俱得其禮視諸庶出如己子用是五
服人咸譽其賢初封孺人晉淑人與公同庚九月十九日
生先公三年卒辛卯八月四日也子丈夫五曰翔鳳登天
順己卯鄉舉厯湖廣荊州同知曰儀鳳冠帶榮身曰鳴鳳
與翔鳳同鄉舉登甲申進士授刑部主事守法不撓升山

西太原府知府張出也曰朝鳳曰廷鳳女一曰玉華側室
王出也孫男五高領成化甲午鄉舉卒業太學齊衮襄度
女五嗚呼爲人剛方正直器宇宏遠能詩賦取其達意不
求工巧翊嘗會於東魯許先生所情懷和好意公必能樹
功名於時已而果然晚乞休致號退庵有雜錄又有退庵
集藏於家銘曰

猗歟李公出際明時夙承庭訓矧負瓊資初持教鐸一邑
之師載遷御史風紀是司爲民捍患去而見思提刑晉陽
申抑決疑中外卅載公以無私晚樂林泉鬢猶未絲衆期
大用奈何止斯郡城之側峩峩者碑勒銘昭德千載其垂

勅封李俊碑 景泰二年俊爲浙江道御史封文林郎妻
張氏封孺人成化五年以其子鳴鳳爲刑部主事進封俊
爲正議大夫張爲淑人無立石年月附載於此

李翔鳳墓表 在西靳村

明故荊州府同知李公墓表 賜進士出身翰林院侍講
經筵官兼修國史長沙李東陽撰文 賜進士第文林郎
福建道監察御史句容曹宏書丹 賜進士第文林郎禮
科都給事中清苑張謙篆額

有壯年美材位不滿其志而沒者曰李君諱翔鳳字時暉
保定定興人也生而警敏特達犖犖異恒兒年十三通舉

子業下筆數百言受春秋學該貫經解論議英發流聲京
師舉天順己卯鄉薦第四入國子益勤問學波及子史詩
賦百家之言成化己丑授奉議大夫湖廣荊州府同知時
府長告闕君至卽攝府政剗奸剔蠹明斷曲直號令鉤若
陽煦而陰肅荆之官僚士氓皆聳聽拭視以俟新政明年
庚寅春二月君遽卒於官卒之日藩省嗟悼閭野哀慟徹
於縉紳弔賻駢沓鴻儒碩士讚述歌詠鑱金樹石充溢豪
楮者凡若干人噫此可以長悼永慕矣初君在場屋期必
得進士屢困省試試輒墮乙榜當得教職輒辭弗拜及當
謁選猶不輒往君父按察公諭以口命乃行同知在鄉貢

爲美除荊州在南藩爲鉅郡方謂旣闕乎彼當暢乎此而又不遂豈非有所謂命者如按察公言乎嗚呼世固有瑰奇健特之士往往高志遠躡恥於小就蓋有所負而然無足怪者然材與志悖則不免有僨車折鼎之誚其始終符契者亦寡矣君年不及強仕爲府佐不過三數月而聲績所著如不可遏其所自負者固如此君之卒已八年使果不死其政與位顧可量哉天之生材若泉導而木植然孰鑿其源而湮其流孰曜其莠而凋其實此又理之不可知者如君者固可以悼慕也夫李氏居定興譜牒散闕莫詳其世按墓碑所載有諱伯通者生五子仕元俱爲掄管歷